



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Ecclesiae Mechliniensis, Anni M. DCC. XVIII. Circa
Bullam Unigenitus**

Archidiocèse <Malines>

Bruxellis, [1719]

Exemplar Brevis Responsorii SS. D. N. Clementis PP. XI. ad Episcopos
Belgii.

urn:nbn:de:hbz:466:1-40699

E X E M P L A R

Brevis Responsorii SS. D. N. CLEMEN-
TIS PP. XI. ad Episcopos Belgii.

*Venerabilibus Fratribus Thomæ Archie-
piscopo Meckliniensi, ac Episcopis
Gandavensi, Namurcensi, Ruræ-
mundensi, Antverpiensi, & Brugensi,
nec non Dilecto Filio Petro Govarts
Vicario Apostolico Sylvæducesi.*

CLEMENS PAPA XI.

Venerabiles Fratres, ac Dilecte Fili salutem,
& Apostolicam Benedictionem. Pietatis Ve-
stræ, atquè Filialis in hanc Sanctam Sedem studii
insigne accepimus argumentum in literis, quas die
Sancto Clementi Sacrà anni proximè præteriti ad
Nos dedistis. Ex iis enim, quàm alacri, prompto-
què animo Constitutioni Nostræ, *Unigenitus Dei
Filius*, debitam obedientiam præstiteritis, ac, ut ab
aliis etiam præstetur, omni ope curare decreverit-
tis, abundè cognovimus. Hoc autem illustre, &
nomine vestro maximè dignum factum eò gratius
Nobis accidit, quò certius allatum ad Nos est,
paucos illos, qui sanam doctrinam non sustinent,
& à veritate auditum avertunt, hoc potissimùm
tempore obduratæ mentis indicia prodere, apertam-
què ab Apostolicâ Sede defectionem revelatâ facie
profiteri. Perspectam itaquè virtutem vestram ube-
ri, & planè meritâ in Domino laude prosequentes,
Eum, qui non dat in æternùm fluctuationem justo,
impensè

(8)

impensè precamur, ut Vobis cælesti suo præsidio jugiter adesse velit, quatenus Ministerii vestri partes strenuè, constantèr, atque fructuosè obire pergatis, undè Sacris Belgii Antistitibus major indies justissimæ gloriæ cumulus accedat, & gaudium, quod Nos ex tam præclarâ zeli vestri testificatione percepimus, compleatur. Hunc porrò in scopum Vobis, Venerabiles Fratres, & Dilectè Fili, Apostolicam Benedictionem peramanter impertimur. Datum Romæ apud S. Mariam majorem, sub Annulo Piscatoris die 15. Januarii 1719. Pontificatûs Nostri, Anno decimo nono.

JO. CHRISTOPHORUS *Archiepiscopus*
Amasenus.

Loco ✠ Annuli Piscatoris.

